

## **Fundargerð**

320. fundar framkvæmdastjórnar Sjúkraliðafélags Íslands, haldinn  
27. janúar 2016, kl 16.00, að Grensásvegi 16.

### **Fundinn sátu:**

Kristín Ólafsdóttir, varaformaður  
Jóna Jóhanna Sveinsdóttir, gjaldkeri  
Jóhanna Traustadóttir, ritari  
Fjarverandi  
Kristín Á. Guðmundsdóttir, formaður

### **Fundarritun annaðist:**

Gunnar Örn Gunnarsson, framkvæmdastjóri SLFÍ

### **Dagskrá:**

1. Fundur settur
2. Fundargerð síðasta fundar
3. Kjaramál
  - a. Sveitarfélögin
  - b. SFV
  - c. Smærri stofnanir
    - i. Ás lokið
    - ii. FAAS lokið
    - iii. Reykjalundur lokið
    - iv. Spoex lokið
    - v. Skálatún ólokið
    - vi. Bjarg vistheimili ólokið
  - d. Samstarfsnefndarfundur á LSH
4. EPN fundur á komandi vori
5. Ársreikningar deilda
6. Orlofsmál
7. Lagabreytingar og formannskjör
8. Fulltrúaþing SLFÍ
9. Önnur mál

## Fundargerð

### 1. Fundur settur

Kristín Ólafsdóttir (KÓ) varaformaður Sjúkraliðafélags Íslands (SLFÍ), setti fund, bauð stjórnarmenn velkomna til fundar og gerði grein fyrir að Kristín Á Guðmundsdóttir formaður félagsins væri erlendis.

### 2. Fundargerð síðasta fundar samþykkt og komin á netið

Jóhanna Traustadóttir (JT) ritari SLFÍ gerði grein fyrir að fundargerð síðasta fundar væri samþykkt og komin á netið.

### 3. Staðan í kjaramálum

- KÓ og GÖG fóru yfir stöðuna í kjaramálum:
  - Þrír fundir hafa verið haldnir undir stjórn ríkissáttasemjara með Samninganefnd sveitarfélaga SNS. Fyrir liggur að ef farið verður inn í starfsmat þá verða persónubundnir þættir að miklu leyti felldir út. Starfsmatið kemur að mörgu leyti vel út í grunnin, en hefur síðan skerðandi áhrif á laun sjúkraliða þegar tekið er tillit til persónubundinna þátta eins og símenntunar, starfsaldurhækkana og framhaldsnáms. Fulltrúar SNS telja sig þurfa marga mánuði til að fullvinna bráðabirgðamat á öllum störfum sjúkraliða og ætluðust til þess að félagið kynnti nýjan starfsmatssamning án fullunnins starfsmats. Staðan er því sú að allar líkur eru á að ekki verði farið inn í starfsmat, en bókað verður að unnið verði að skoðun á yfirfærslu í starfsmat á samningstímanum. Næsti fundur verður ekki fyrr en 9. febrúar og þá munu fulltrúar SNS leggja fram tilboð.
  - Búið er að greiða atkvæði um samninginn við Samtök fyrirtækja í velferðarþjónustu. Í kosningunni tóku þátt 231 af 423 sem er 54,6% þátttaka. Já sögðu 216 eða 93.51%. Nei sögðu 13 eða 5.63%. Afstöðu tóku ekki 2 eða 0.87%.
  - Unnið hefur verið að kjarasamingum við smærri sjálfseignarstofnanir og hefur það gengið misvel. Búið er að ganga frá samningum við Ás-styrktarfélag, FAAS, Reykjalund og SPOEX og eru þeir í takt við samninginn við ríkið. Ólokið er við samninga við Skálatún og Bjarg vistheimili.
  - Fundur var haldinn í samstarfnefnd félagsins og LSH 20. janúar s.l. Rætt var um greiðslu á fæðisfé á geðsviði. Fram kom hjá fulltrúum SLFÍ að einhverjir starfsmenn á Kleppsspítala hafi ekki fengið greidda fæðispeninga þrátt fyrir að matstofa sé ekki opin. Lögð var áhersla á að fæðisfé verði greitt og þ.s. það hafi ekki verið gert verði það leiðrétt afturvirk. Málið verður skoðað af fulltrúum LSH. Fatapeningar á geðsviði höfðu ekki verið greiddir, en eru greiddir í dag. Fulltrúar SLFÍ gera kröfu um að greitt verði afturvirk. Málið verður skoðað. Rætt var um aukna viðbótargreiðslu til þeirra sjúkraliða sem gefa kost á sér í Varnarteymi á geðsviði LSH. Fram kom að búið væri að hækka laun SFR- inga sem starfa í teyminu og það hefði verið gert með potti sem SFR samdi um í síðasta kjarasamningi og hefði komið til greiðslu á

síðasta ári. Launahækkunar í kjarasamningi SFR hafi verið lægri í launatöflu, en launapottar SLFÍ komi í júní 2016 og þá verði horft til þess að hækka álag þeirra sjúkraliða sem eru í teyminu.

Rætt var um uppgjör á vetrarleyfi sem ekki nýtist. Málið verður skoðað milli funda.

Launagreiðslur til þeirra sem ekki komast til vinnu vegna veðurs var enn og aftur rætt. LSH ætlar ekki að greiða sjúkraliðum sem verða veðurtepptir laun þrátt fyrir ráðleggingar Starfsmannaskrifstofu fjármálaráðuneytisins um að laun eigi að greiða þeim sem sannarlega eru veðurtepptir. SLFÍ mun fara með málið fyrir dómstóla.

Rætt var um laun sjúkraliða og fullorðinna félagsliða sem læra seint. Fram kom hjá fulltrúum SLFÍ að erfitt væri að réttlæta það að minna nám og minni ábyrgð gæfi hærri laun og jafnvel byrjunarlaun félagsliða í ákveðnum tilvikum geti verið hærri en laun reynds sjúkraliða. Undir þessum lið var einnig rætt að mjög erfitt er á mörgum deildum LSH að þróast áfram í launum.

Fulltrúar SLFÍ fóru yfir eldri samþykkt í samstarfsnefnd LSH þar sem það var samþykkt að sjúkraliðanemar geti verið í félaginu. Að loknum fundi var sú samþykkt send á LSH og er það mál afgreitt. Deilt er um stéttarfélagsaðild sjúkraliðanema sem ekki eru í starfsnámi. Fulltrúar LSH töldu að þeir ættu að vera í Eflingu eða SFR, en fulltrúar SLFÍ töldu að þeir gætu valið þannig að þeir sem væru í SLFÍ hefðu aðgang að sjóðum félagsins. Fram kom að nemarnir eru í sjúkraliðastörfum. Málið verður rætt nánar.

#### **4. EPN ráðstefnan á Íslandi næsta vor**

Jóna Jóhanna (JJS) SLFÍ gerði grein fyrir að hún og Jóhanna Traustadóttir (JT) ritari gjaldkeri SLFÍ væru vel á veg komnar með kaup á gjöfum og fylgihlutum vegna ráðstefnunnar, en æskilegt væri að fá upplýsingar um fjölda þátttakenda og kynjahlutföll.

#### **5. Ársreikningar deilda**

JJS fór yfir að ársreikningar deilda væru farnir að berast og þeir væru enn með mjög misjöfnum hætti. Ákveðið að JJS héldi áfram að vera í sambandi við gjaldkera og formenn deildanna þannig að allt verði klappað og klárt fyrir næsta félagsstjórnarfund.

#### **6. Orlofsmál**

GÖG fór yfir að búið væri að auglýsa gönguferð á Spáni, pláss væri fyrir 19 manns.

#### **7. Lagabreytingar og formannskjör**

GÖG fór yfir að nauðsynlegt væri að hafa það í huga að auglýsa þarf í tíma að kjósa eigi um formann á næsta þingi og farið var yfir hvernig þurfi að standa að því. Fram kom að nauðsynlegt væri að auglýsa formannskjörið í fjölmiðlum.

Einnig var rætt um hver væru síðustu forvöð til að skila inn lagabreytingartillögum fyrir komandi þing. Fram kom að lagabreytingartillögur þurfa að berast fyrir 1. febrúar. Fyrir liggur að breytingartillögur eru komnar varðandi lög og reglur fræðslusjóða félagsins og munu GÖG og KÁG taka að sér að koma með drög að þeim breytingum.

#### **8. Næsta Fulltrúaþing SLFÍ**

Ákveðið var að hafa þingið 10. maí, kl. 9.00 og félagsstjórnarfund daginn áður.

## **Önnur mál**

- Fram kom að Jakobína Rut Daníelsdóttir færi í Genfarskólann.

Fundi slitið kl. 17.20